

ქალაქ თბილისის მუნიციპალიტეტის საკრებულოს  
იურიდიულ საკითხთა და ადამიანის უფლებათა დაცვის კომისიის  
სხდომის ოქმი  
N42

2023 წელი; 10:30 სთ; 14 დეკემბერი.

ქ. თბილისი  
თავისუფლების მოედანი, N2

სხდომას ესწრებოდნენ:

იურიდიულ საკითხთა და ადამიანის უფლებათა დაცვის კომისიის წევრები:

ლევან ჟორჟოლიანი (თავმჯდომარე)  
ზურაბ აბაშიძე  
ნინო რუხაძე  
ავთანდილ ცინცაძე  
აკაკი ალადაშვილი  
კახაბერ ლაზუჩიძე  
არჩილ გორდულაძე  
ლილე ლიპარტელიანი  
ცოტნე კობერიძე  
დავით ფარცვანია


მოწვეული პირები:

- გაიოზ თალაკვაძე - ქალაქ თბილისის მუნიციპალიტეტის მერიის საფინანსო საქალაქო სამსახურის უფროსი;
- ლევან მიქავა - ქალაქ თბილისის მუნიციპალიტეტის მერიის საფინანსო საქალაქო სამსახურის უფროსის მოადგილე;

სხდომის თავმჯდომარე:

ლევან ჟორჟოლიანი

იურიდიულ საკითხთა და ადამიანის უფლებათა დაცვის  
კომისიის თავმჯდომარე




## დღის წესრიგი

1. „ქალაქ თბილისის მუნიციპალიტეტის 2024 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს დადგენილების პროექტი.

სხდომის თავმჯდომარემ სხდომა გახსნილად გამოაცხადა და დამსწრე წევრებს დასამტკიცებლად წარუდგინა იურიდიულ საკითხთა და ადამიანის უფლებათა დაცვის კომისიის სხდომის დღის წესრიგის პროექტი.

იურიდიულ საკითხთა და ადამიანის უფლებათა დაცვის კომისიის მიერ ერთხმად იქნა დამტკიცებული სხდომის დღის წესრიგი.



მოისმინეს:

1. ქალაქ თბილისის მუნიციპალიტეტის მერიის საფინანსო საქალაქო სამსახურის უფროსმა გაიოზ თალაკვაძემ, იურიდიულ საკითხთა და ადამიანის უფლებათა დაცვის კომისიის სხდომაზე დამსწრე წევრებს გააცნო, კომისიის სხდომის დღის წესრიგით დამტკიცებული - „ქალაქ თბილისის მუნიციპალიტეტის 2024 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს დადგენილების პროექტი.


მომხსენებლის მითითებით, დადგენილების პროექტით, ქალაქ თბილისის მუნიციპალიტეტის საკრებულოს წინაშე დასამტკიცებლად წარმოდგენილი, ქალაქ თბილისის მუნიციპალიტეტის 2024 წლის ბიუჯეტის დაზუსტებული რედაქცია, რომლის მიხედვითაც, ქალაქ თბილისის მუნიციპალიტეტის 2024 წლის ბიუჯეტის პროექტის მოცულობა განისაზღვრა 1 763 354,7 ათასი ლარით, რაც:

- 2023 წლის დამტკიცებულ ბიუჯეტთან (1 632 132,6 ათასი ლარი) მიმართებაში - გაზრდილია 131 222,1 ათასი ლარით;
- 2024 წლის პირველად წარდგენილ ბიუჯეტის პროექტთან (1 700 912,4 ათასი ლარი) შედარებით გაზრდილია - 62 442,3 ათასი ლარით.

როგორც გაიოზ თალაკვაძემ განმარტა, ზემოაღნიშნული ღონისძიებები გამოწვეულია საკუთარი შემოსულობების დაზუსტების, საქართველოს პარლამენტში „საქართველოს 2024 წლის სახელმწიფო ბიუჯეტის პროექტის“ მესამე წარდგენის და საქართველოს ფინანსთა სამინისტროდან მიმდინარე წლის 8 ნოემბერს მიღებული წერილის (N04-03/87987) გათვალისწინებით, რომლის თანახმად ქალაქ თბილისის მუნიციპალიტეტს სახელმწიფო ბიუჯეტიდან მისაღები კაპიტალური სპეციალური ტრანსფერის სახით დამატებით გამოეყოფა 60,000.0 ათასი ლარი, ხოლო, მიზნობრივი ტრანსფერის მოცულობა მცირდება - 145.4 ათასი ლარით.

მომხსენებელმა განაგრძო თხრობა და მიუთითა, რომ სახელმწიფო ბიუჯეტიდან დამატებით გამოიყოფა სხვა კაპიტალური გრანტების სახით 2,000.0 ათასი ლარი თბილისის ავტობუსების პროექტის (ფაზა II) (EBRD) და თბილისის მეტროს სადგურების მოდერნიზაციის პროექტის ფარგლებში დამატებული ღირებულების გადასახადის გადასახდელად.

მომხსენებელმა დასძინა, რომ 2024 წლის ბიუჯეტის პროექტის წინასწარი ვარიანტისგან განსხვავებით, წარმოდგენილ პროექტში ასევე განისაზღვრება - საერთაშორისო ორგანიზაციებიდან მიღებული გრანტები 465.3 ათასი ლარის ოდენობით (საქართველოს მთავრობასა და აზიის განვითარების ბანკს შორის გაფორმებული სასესხო ხელშეკრულების (N°6024-GEO, N°4134-GEO) ფარგლებში, „საცხოვრებლად ვარგისი ქალაქების საინვესტიციო პროგრამის“ განხორციელებისთვის, ინდივიდუალური კონსულტანტების შრომის ანაზღაურების (გადასახადების გარეშე) დაფარვა დონორი ორგანიზაციის მიერ), ასევე, დაზუსტდა სხვა შემოსავლების ჯამური მოცულობა 122.4 ათასი ლარით და განისაზღვრა -



280,683.0 ათასი ლარის ოდენობით (მათ შორის იზრდება მოსაკრებელი საქართველოს დედაქალაქში მსუბუქი ავტომობილით ტაქსით (M1 კატეგორია) გადაყვანის ნებართვაზე - 99.8 ათასი ლარით, ხოლო შემოსულობა ადგილობრივი საქალაქო რეგულარული სამგზავრო გადაყვანის ნებართვაზე - 22.6 ათასი ლარით).


გაიოზ თალაკვაძემ ხაზგასმით აღნიშნა, რომ გაზრდილი ფინანსური რესურსის გათვალისწინებით, ქალაქ თბილისის მუნიციპალიტეტის 2024 წლის ბიუჯეტის პროექტით ასიგნებები მიიმართება შემდეგ პრიორიტეტებზე:

- სატრანსპორტო ინფრასტრუქტურის მშენებლობა - აღდგენა - 567 498,1 ათასი ლარი;
- ინფრასტრუქტურის ობიექტების მშენებლობა, ექსპლოატაცია და ავარიული შენობების გამაგრება/ჩანაცვლება - 267 969,4 ათასი ლარი;
- ეკოლოგიური მდგომარეობის შენარჩუნება და გაუმჯობესება - 221 611,1 ათასი ლარი;
- ეკონომიკის განვითარების ხელშეწყობა - 2 153,5 ათასი ლარი;
- ბინათმესაკუთრეთა ამხანაგობების განვითარება - 38 796,3 ათასი ლარი;
- ჯანმრთელობის დაცვა და სოციალური უზრუნველყოფა - 154 920,1 ათასი ლარი;
- განათლება - 248 047,1 ათასი ლარი;
- კულტურა, სპორტი და ახალგაზრდობა - 35 534,7 ათასი ლარი;
- საზოგადოებრივი წესრიგი და უსაფრთხოება - 7 297,0 ათასი ლარი;
- ქალაქ თბილისის წარმომადგენლობითი და აღმასრულებელი ორგანოები - 219 527,4 ათასი ლარი.

მომხსენებელმა განაგრძო თხრობა და მიუთითა, რომ ქალაქ თბილისის მუნიციპალიტეტის 2024 წლის ბიუჯეტის შემოსავლების საპროგნოზო მაჩვენებელი განისაზღვრა 1 708 254,7 ათასი ლარის ოდენობით, რაც 2023 წლის დამტკიცებულ მაჩვენებელთან (1 577 032,6 ათასი ლარი) შედარებით გაზრდილია 131 222,1 ათასი ლარით, ხოლო ბიუჯეტის პროექტის პირველ ვერსიასთან (1 645 812,4 ათასი ლარი) შედარებით გაზრდილია 62 442,3 ათასი ლარით. მათ შორის:

- გადასახადები 918 661,8 ათასი ლარი, რაც 2023 წლის დამტკიცებულ მაჩვენებელთან მიმართებაში გაზრდილია 46 437,4 ათასი ლარით, ხოლო პირველად წარდგენილ პროექტთან მიმართებაში უცვლელია).
- გრანტები 508 909,9 ათასი ლარი, რაც 2023 წლის დამტკიცებულ მაჩვენებელთან (474 962,8 ათასი ლარი) მიმართებაში გაზრდილია 33 947,1 ათასი ლარით, ხოლო პირველად წარდგენილ პროექტთან მიმართებაში - 62 319,9 ათასი ლარით მეტია).
- სხვა შემოსავლები 280 683,0 ათასი ლარი, რაც 2023 წლის დამტკიცებულ მაჩვენებელთან (229 845,4 ათასი ლარი) მიმართებაში გაზრდილია 50 837,6 ათასი ლარით (ძირითადად სათამაშო ბიზნესის მოსაკრებელი, სანქციები (ჯარიმები და საურავები), მოსაკრებელი დასახლებული ტერიტორიის დასუფთავებისათვის), ხოლო პირველად წარდგენილ პროექტთან მიმართებაში - 122,4 ათასი ლარით მეტია).

როგორც გაიოზ თალაკვაძე, აღნიშნა, ბიუჯეტის პროექტის გადამუშავებულ ვარიანტში ქალაქ თბილისის მუნიციპალიტეტის 2024 წლის ბიუჯეტის გადასახდელები შეადგენს 1 763 354,7 ათას



ლარს. მათ შორის: ქალაქ თბილისის მუნიციპალიტეტის 2024 წლის ბიუჯეტის ხარჯები - განსაზღვრულია 1 429 834,8 ათასი ლარით, მათ შორის: შრომის ანაზღაურება 128 243,5 ათასი ლარით, საქონელი და მომსახურების მუხლით გათვალისწინებულია 184 530,3 ათასი ლარი, პროცენტი 35 692,1 ათასი ლარი, სუბსიდიები - 637 634,1 ათასი ლარი, გრანტები - 1 466,7 ათასი ლარი, სოციალური უზრუნველყოფა - 146 386,1 ათასი ლარი, სხვა ხარჯები - 295 882,0 ათასი ლარით.

მომხსენებელმა კომისიის სხდომაზე დაძვწრე წევრებს მიაწოდა ინფორმაცია, რომ ქალაქ თბილისის მუნიციპალიტეტის 2024 წლის ბიუჯეტის ასიგნებები შეადგენს 1 763 354,7 ათას ლარს, რაც 2023 წლის დამტკიცებულ ბიუჯეტთან (1 632 132,6 ათასი ლარი) შედარებით გაზრდილია 131 222,1 ათასი ლარით, ხოლო ბიუჯეტის პროექტის წინა ვერსიასთან (1 700 912,4 ათასი ლარი) შედარებით გაზრდილია 62 442,3 ათასი ლარით, მათ შორის:

❖ სატრანსპორტო ინფრასტრუქტურის მშენებლობა - აღდგენა - 567 498,1 ათასი ლარით, რაც 2023 წლის დამტკიცებულ ბიუჯეტთან (522 096,4 ათასი ლარი) შედარებით გაზრდილია 45 401,7 ათასი ლარით, ხოლო პირველ წარდგენილ პროექტთან (542 391,1 ათასი ლარი) მიმართებაში - 25 107,0 ათასი ლარით მეტია. მათ შორის: პრიორიტეტის ფარგლებში საგზაო ინფრასტრუქტურის მშენებლობა, აღდგენა და მოვლა-შეკეთების პროგრამისათვის გათვალისწინებულია 23 107,0 ათასი ლარი, მათ შორის რაიონების გზების მოვლა-შეკეთების ქვეპროგრამებისთვის ჯამში - 3 107,0 ათასი ლარი, სატრანსპორტო ინფრასტრუქტურის მოწესრიგების ღონისძიებებისათვის - 1 000,0 ათასი ლარი (თბილისის ავტობუსების პროექტის (ფაზა II) (EBRD) პროექტის ფარგლებში დამატებული ღირებულების გადასახადის გადასახდელოდ), მეტროს სადგურების რეკონსტრუქცია, მშენებლობა - 1 000,0 ათასი ლარი (თბილისის მეტროს სადგურების მოდერნიზაციის პროექტის ფარგლებში დამატებული ღირებულების გადასახადის გადასახდელოდ);

❖ ინფრასტრუქტურის ობიექტების მშენებლობა, ექსპლუატაცია და ავარიული შენობების გამაგრება/ჩანაცვლება - 267 969,4 ათასი ლარით, რაც 2023 წლის დამტკიცებულ ბიუჯეტთან (243 813,7 ათასი ლარი) შედარებით გაზრდილია 24 155,7 ათასი ლარით, ხოლო პირველ წარდგენილ პროექტთან (223 111,1 ათასი ლარი) მიმართებაში - 44 858,3 ათასი ლარით მეტია. მათ შორის: საინჟინრო ნაგებობების და ინფრასტრუქტურის ობიექტების მშენებლობა და აღდგენა-რეკონსტრუქცია - 4 000,0 ათასი ლარი (სოფელ დიდმის და სვანეთის უბნის საკანალიზაციო ქსელების და წყალარინების მოწყობა-რეკონსტრუქცია); კეთილმოწყობის საქალაქო ღონისძიებები - 9 000,0 ათასი ლარი (ქვათაცვენის საწინაარმდეგო ბადეების მოწყობა), კეთილმოწყობის ღონისძიებები რაიონებში გათვალისწინებულია 16 393,0 ათასი ლარი, ქალაქის განვითარების ხელშეწყობა - 15 465,3 ათასი ლარი (რუსთაველის გამზირის რეაბილიტაცია და №6024-GEO, №4134-GEO) ფარგლებში, „საცხოვრებლად ვარგისი ქალაქების საინვესტიციო პროგრამის“ განხორციელებისთვის, ინდივიდუალური კონსულტანტების შრომის ანაზღაურების (გადასახადების გარეშე) დაფარვა დონორი ორგანიზაციის მიერ);

❖ ეკოლოგიური მდგომარეობის შენარჩუნება და გაუმჯობესება - 221 611,1 ათასი ლარით, რაც 2023 წლის დამტკიცებულ ბიუჯეტთან (211 901,7 ათასი ლარი) მიმართებაში გაზრდილია 9 709,4 ათასი ლარით, ხოლო პირველ წარდგენილ პროექტთან (213 611,1 ათასი ლარი) მიმართებაში - 8 000,0 ათასი ლარით მეტია. მათ შორის: 300 არაგველის მემორიალთან




არსებული (სკვერი) შუა გამყოფი ზოლი - 2 000,0 ათასი ლარი, ქინძმარაულის შესახვევი N30 კორპუსის მიმდებარედ სკვერის მოწყობა - 1 000,0 ათასი ლარი, კონტეინერების შეძენა - 5 000,0 ათასი ლარი;

❖ ეკონომიკის განვითარების ხელშეწყობა - 2 153,5 ათასი ლარით. პრიორიტეტის ფარგლებში გაიზარდა ბიზნესის სტიმულირება პროგრამის ფარგლებში გამოფენა გაყიდვა თბილისის საშობაო ბაზარი - 274,0 ათასი ლარი;

❖ ზინაომისაკუთრეთა ამხანაგობების განვითარება განსაზღვრულია 38 796,3 ათასი ლარით, პრიორიტეტის ფარგლებში გრძელდება მრავალბინიან საცხოვრებელ სახლებში სასურავების შეკეთება (ბრტყელი და ქანობიანი გადახურვა), ლიფტების მიმდინარე შეკეთება და რეაბილიტაცია, შიდა წყალკანალიზაციის გაყვანილობების შეკეთება, სადარბაზოების სარემონტო სამუშაოები, შენობის ან/და მისი შემადგენელი ელემენტების კაპიტალური გამაგრებითი სამუშაოები და სხვა ღონისძიებები;

❖ ჯანმრთელობის დაცვა და სოციალური უზრუნველყოფა განსაზღვრულია 154 920,1 ათასი ლარით, რაც 2023 წლის დამტკიცებულ ბიუჯეტთან (144 160,7 ათასი ლარი) მიმართებაში გაზრდილია 10 759,4 ათასი ლარით. პრიორიტეტის ფარგლებში ჯანდაცვის პროგრამისათვის განსაზღვრულია 32 783,0 ათასი ლარი, მათ შორის გრძელდება გადამდებ და არაგადამდებ დაავადებათა ეპიდემიოლოგიური კონტროლის, აუტიზმის სპექტრის დარღვევის მქონე ბავშვთა აბილიტაცია, ფსიქიკური ჯანმრთელობის სათემო მომსახურება, გაფანტული სკლეროზის და ძუძუს კიბოს სამკურნალო მედიკამენტების, სახსრების ენდოპროტეზირების, დაავადებათა სკრინინგის და ტრანსპლანტაციის დაფინანსება. სოციალური დაცვის პროგრამისთვის ჯამში გათვალისწინებულია 122 137,1 ათასი ლარი. გრძელდება შემდეგი ქვეპროგრამების დაფინანსება: კომუნალური სუბსიდირება, სოციალურად დაუცველი მრავალშვილიანი ოჯახებისათვის 18 წლამდე ასაკის თითოეულ ბავშვზე ყოველთვიური დახმარება, სოციალურად დაუცველი საპენსიო ასაკის პირებისათვის მედიკამენტების დაფინანსება, სოციალურად დაუცველ ოჯახებში ყველა ახალშობილზე ერთჯერადი დახმარება, შინმოვლის დანადაფინანსება, მცირე საოჯახო ტიპის სახლებიდან გასული, სრულწლოვანი პირების დამოუკიდებელი ცხოვრების ხელშეწყობა, უფასო სწავლება მოსწავლე ახალგაზრდობის სახლებში, სასახლეში, ხელოვნების სკოლებში, სპორტულ სკოლებში და საცურაო აუზებში, თბილისის მუნიციპალური თავშესაფრის მოვლა-პატრონობა, შეზღუდული შესაძლებლობების მქონე პირთა საზოგადოებაში ინტეგრაციის ხელშეწყობა, საკურორტო მომსახურება და დახმარება, უფასო სასადილოებით მომსახურება რაიონებში, დანგრეული სახლების მაცხოვრებელთა საკომპენსაციო თანხები რაიონებში და სხვა;

❖ განათლება დაიგეგმა - 248 047,1 ათასი ლარით, რაც 2023 წლის დამტკიცებულ ბიუჯეტთან (225 917,8 ათასი ლარი) მიმართებაში გაზრდილია 22 129,3 ათასი ლარით. პრიორიტეტის ფარგლებში მნიშვნელოვანი წილი უჭირავს სკოლამდელი აღზრდის დაწესებულებების ხელშეწყობას 207 358,8 ათასი ლარის ოდენობით (გრძელდება დაწყებული პროექტების დაფინანსება, მათ შორის: ავარიული საბავშვო ბაგა-ბაღების ადგილას ახლის მშენებლობა და ავარიული ბაღების გამაგრება/რეაბილიტაცია: დასრულებულია 2 ბაღის მშენებლობა და 1 ბაღის კაპიტალური რეაბილიტაცია, დაიწყება 50-ე ბაგა-ბაღის შენობის



ადგილას ახალი ბაღის მშენებლობა), გაგრძელება შემდეგი პროგრამების/ქვეპროგრამების დაფინანსება: სტუდენტთა დაფინანსების პროგრამა, ზოგადი განათლების და სასკოლო პროექტების ხელშეწყობა, უწყვეტი განათლების და სტუდენტური პროექტების ხელშეწყობა, პროფესიული განათლების და დასაქმების ხელშეწყობა, მულტიფუნქციური ბიბლიოთეკების გაერთიანების ხელშეწყობა, მოსწავლე-ახალგაზრდობის ეროვნული სასახლის ხელშეწყობა, იურიდიული კლინიკა და სხვა;

❖ კულტურა, სპორტი და ახალგაზრდობა - 35 534,7 ათასი ლარით. გაგრძელება კულტურის ობიექტების (თეატრები, მუზეუმი, გალერეა, საბალეტო დასი, ბიგ-ბენდი, პანთეონი) დაფინანსება, სახელოვნებო განათლების ხელშეწყობა, წარმატებული სპორტსმენი ბავშვების და მწვრთნელთა მხარდაჭერა, პარასპორტის განვითარების ხელშეწყობა, სპორტული მოედნების მშენებლობა, რეკონსტრუქცია, სპორტული დაწესებულებების მატერიალურ-ტექნიკური ბაზის გაუმჯობესების ღონისძიებები (დასრულებულია მულტიფუნქციური სპორტული ცენტრის მშენებლობა და 2 ცენტრის აღჭურვა), კულტურის დაწესებულებების მატერიალურ-ტექნიკური ბაზის გაუმჯობესების ღონისძიებები (მათ შორის ოთარ თაქთაქიშვილის სახ. N19 ხელოვნების სკოლის სარემონტო-სარეაბილიტაციო სამუშაოების დასრულება), მუზეუმების გაერთიანების ქვეპროგრამის ფარგლებში გათვალისწინებულია ილია ჭავჭავაძის სახლ მუზეუმის სარეაბილიტაციო სამუშაოების დასრულება და დაიწყება თოჯინების მუზეუმისათვის გამოყოფილი სივრცის სარეკონსტრუქციო-სარემონტო სამუშაოები; დაიწყება ფიზიკური დატვირთვების სკრინინგი (სპორტულ ცენტრებში 18 წლამდე ასაკის ბენეფიციართა ფიზიკური დატვირთვების და ჯანმრთელობის სკრინინგი). ასევე, გათვალისწინებულია სპორტული, კულტურული და ახალგაზრდული ღონისძიებების ხელშეწყობა, კულტურის სფეროს განვითარების ხელშეწყობა და სხვა;

❖ საზოგადოებრივი წესრიგი და უსაფრთხოება - 7 297,0 ათასი ლარით. პრიორიტეტის ფარგლებში დაფინანსდება პროგრამები: თბილისის მუნიციპალიტეტის ქონების დაცვის უზრუნველყოფა - 1 817,1 ათასი ლარით და ცხოველთა მონიტორინგი - 5 479,9 ათასი ლარით;

❖ ქ. თბილისის წარმომადგენლობითი და აღმასრულებელი ორგანოები - 219 527,4 ათასი ლარით. პრიორიტეტის ფარგლებში განსაზღვრულია ბიუჯეტის სარეზერვო ფონდი - 4 000,0 ათასი ლარის ოდენობით და წინა წლებში წარმოქმნილი დავალიანებების დაფარვისა და სასამართლო გადაწყვეტილებების აღსრულების ფონდი - 2 000,0 ათასი ლარის ოდენობით. ასევე, გათვალისწინებულია წინა წლებში აღებული სესხების დაფარვა, მათ შორის მდგრადი ურბანული მობილობა - გონიერი სატრანსპორტო სისტემა (KfW) - 2 940,0 ათასი ლარი, თბილისის მეტროს სადგურების სესხის მომსახურება - 7 590,0 ათასი ლარი, თბილისის მუნიციპალური მომსახურების პროექტი - 4 917,0 ათასი ლარი, თბილისის ავტობუსების პროექტის სესხის მომსახურება - 12 895,7 ათასი ლარი, თბილისის მყარი ნარჩენების პროექტის სესხის მომსახურება 20 567,1 ათასი ლარი, თბილისის ავტობუსების პროექტის სესხის მომსახურება II ფაზა - 29 821,2 ათასი ლარი.

აღსანიშნავია, რომ 2024 წლისათვის იგეგმება გარდამავალი თავისუფალი ნაშთი 60 000,0 ათასი ლარის ოდენობით, რომელიც გადანაწილდება შემდეგ მიმართულებებზე: ინფრასტრუქტურის განვითარების სამსახური - 10 000,0 ათასი ლარი, პრიორიტეტის ფარგლებში საინჟინრო




ნაგებობების და ინფრასტრუქტურის ობიექტების მშენებლობა და აღდგენა-რეკონსტრუქცია პროგრამისათვის გამოიყოფა 5 000,0 ათასი ლარი, მათ შორის საყრდენი კედლების მშენებლობა-რეკონსტრუქცია ღონისძიებებისათვის - 2 000,0 ათასი ლარი, მუხიანის აგარაკების კანალიზაცია - 3 000,0 ათასი ლარი; გარე განათების ქსელის ექსპლუატაცია და რეაბილიტაციის პროგრამისათვის 5 000,0 ლარი. გარემოს დაცვის სამსახური - 31 000,0 ათასი ლარი, მათ შორის სამხედრო ქალაქის პარკის მოწყობა 6 000,0 ათასი ლარი, ვერის ბაღის რეაბილიტაცია 10 000,0 ათასი ლარი, ვაკის პარკის დასრულება - 10,000.0 ათასი ლარი და გლდანის ტბა - 5,000.0 ათასი ლარი. კულტურის, განათლების, სპორტის და ახალგაზრდულ საქმიანობა საქალაქო სამსახური 19 000,0 ათასი ლარი, შემდეგ პროგრამებზე: ავარიული საბავშვო ბაგა-ბაღების დემონტაჟი/ ახლის მშენებლობა და გამაგრება/რეაბილიტაცია, მათ შორის: #28 საბავშვო ბაგა-ბაღის შენობის ადგილას ახალი შენობის მშენებლობა, #43 საბავშვო ბაგა-ბაღის შენობის ადგილას ახალი შენობის მშენებლობა, #77 საბავშვო ბაგა-ბაღის შენობის კაპიტალური რეაბილიტაცია, #122 იმედი საბ. საბავშვო ბაგა-ბაღის შენობის კაპიტალური რეაბილიტაცია, დაშენება, #39 საბავშვო ბაგა-ბაღის შენობის კაპიტალური რეაბილიტაცია, #161 ნასაგური საბავშვო ბაგა-ბაღის შენობის კაპიტალური რეაბილიტაცია, #196 საბავშვო ბაგა-ბაღის შენობის კაპიტალური რეაბილიტაცია, #211 საბავშვო ბაგა-ბაღის შენობის კაპიტალური რეაბილიტაცია და #37 საბავშვო ბაგა-ბაღის შენობის კაპიტალური რეაბილიტაცია; სპორტული მოედნების მშენებლობა, რეკონსტრუქცია - 1,000.0 ლარი, სპეცპარკების მშენებლობა - 1,000.0 ლარი; სპორტული დაწესებულებების მატერიალურ-ტექნიკური ბაზის გაუმჯობესება და მშენებლობა - 5,000.0 ლარი (თბილისში, დიდმის მასივში, მე-3 კვარტალში მრავალფუნქციური სპორტული კომპლექსის სამშენებლო სამუშაოები).

მომხსენებელმა აღნიშნა, რომ ბიუჯეტის პროექტი ასახავს ბავშვთა უფლებების შესახებ არსებული პოლიტიკის ფარგლებში განსახორციელებელი ღონისძიებების დასაფინანსებლად საჭირო რესურსებს, შესაბამის პასუხისმგებელ საბიუჯეტო ორგანიზაციის პროგრამულ კოდში, ამასთან, მისივე მითითებით, ქალაქ თბილისის მუნიციპალიტეტის 2024 წლის ბიუჯეტის პროექტში გამოყენებულია თანასწორობის პოლიტიკის განხორციელების მექანიზმი, რომელიც გულისხმობს საბიუჯეტო პროცესში გენდერული ასპექტების ჩართვას.

მოხსენების მიწურულს, გაიოზ თალაკვაძემ მიუთითა, რომ ქალაქ თბილისის მუნიციპალიტეტის 2024 წლის ბიუჯეტის პროექტს ახლავს ქალაქ თბილისის მუნიციპალიტეტის 2024-2027 წლების პრიორიტეტების დოკუმენტი, ასევე, ინფორმაციული ხასიათის შემდეგი დანართები:

- დანართი 1 – პროგრამული ბიუჯეტის შესახებ, რომელიც მოიცავს დეტალურ ინფორმაციას განსახორციელებელი პროგრამებისა და ქვეპროგრამების შესახებ;
- დანართი 2 - კაპიტალური პროექტების შესახებ;
- დანართი 3 - ბიუჯეტით გათვალისწინებული პროგრამების/ქვეპროგრამების განსახორციელებელი ორგანიზაციების შესახებ;
- დანართი 4 - სხვა ხარჯების შესახებ;
- დანართი 5 - ქალაქ თბილისის მუნიციპალიტეტის მიერ დაფუძნებული სსიპ-ებისა და ა(ა)იპ-ების ბიუჯეტების შესახებ;
- დანართი 6 - ქალაქ თბილისის მუნიციპალიტეტის 2023 წლის ბიუჯეტის 9 თვის შესრულების მიმოხილვის შესახებ;





აზრი გამოთქვა:


კომისიის წევრმა ზურაბ აბაშიძემ მიმართა მომხსენებელს და კიდევ ერთხელ ითხოვა, 2023 წლის დამტკიცებული გეგმის მოცულობის შედარება, წარმოდგენილ, 2024 წლის ბიუჯეტის დაზუსტებულ მაჩვენებელთან, რაზეც, მომხსენებელმა განმარტა, რომ ქალაქ თბილისის მუნიციპალიტეტის 2024 წლის ბიუჯეტის პროექტის მოცულობა - 1 763 354,7 ათასი ლარი, 2023 წლის დამტკიცებულ ბიუჯეტთან (1 632 132,6 ათასი ლარი) მიმართებაში - გაზრდილია 131 222,1 ათასი ლარით;

ზურაბ აბაშიძემ ასევე გამოხატა დაინტერესება სკვერებისა და საგზაო ინფრასტრუქტურის მოწესრიგების ღონისძიებებთან დაკავშირებით, სათანადო ქუჩების/მისამართების მითითებით, რაზეც, ლევან მიქავამ აღნიშნა, რომ ქალაქ თბილისის მუნიციპალიტეტის 2024 ბიუჯეტის შესაბამისად, აქტიურ რეჟიმში გაგრძელდება შემდეგი პროგრამების/ქვეპროგრამების: „კეთილმოწყობის ღონისძიებები რაიონებში“ (კოდი: 02 09 10) და „გამწვანების ღონისძიებები“ (კოდი: 03 01), „საგზაო ინფრასტრუქტურის მშენებლობა, აღდგენა და მოვლა-შეკეთება“ (კოდი: 01 01) სკვერების, პარკების, ასევე, საგზაო ინფრასტრუქტურის მოწესრიგების, მშენებლობა-აღდგენისა და რეაბილიტაციის ღონისძიებები, (მათ, შორის აღნიშნულისათვის, სათანადო კვლევის ჩატარების ჩათვლით) დაგეგმილი სახით და საბიუჯეტო ასიგნებების შესაბამისად.

ფრაქციის „ერთიანი ნაციონალური მოძრაობა“ წევრმა ლილე ლიპარტელიანმა, კითხვით მიმართა, საქართველოს კანონის „საქართველოს საბიუჯეტო კოდექსი“ შესაბამისად, მუნიციპალიტეტის ბიუჯეტის სარეზერვო ფონდის ოდენობისა და განსაზღვრის საკითხთან დაკავშირებით, რაზეც, ლევან მიქავამ განმარტა, რომ საქართველოს კანონის „საქართველოს საბიუჯეტო კოდექსი“ 67-ე მუხლის შესაბამისად, „მუნიციპალიტეტის ბიუჯეტში გათვალისწინებული გადასახდელების დასაფინანსებლად იქმნება სარეზერვო ფონდი, რომლის მოცულობა არ უნდა აღემატებოდეს წლიური ბიუჯეტით გათვალისწინებული ასიგნებების საერთო მოცულობის 2%-ს, ამასთან, სარეზერვო ფონდიდან თანხებს მერის გადაწყვეტილების საფუძველზე, რომელიც მოიცავს ინფორმაციას თანხის ოდენობისა და მიზნობრიობის შესახებ, გამოყოფს მუნიციპალიტეტის აღმასრულებელი ხელისუფლების შესაბამისი საფინანსო ორგანო, რომელიც პასუხისმგებელია მუნიციპალიტეტის ბიუჯეტის პროექტის მომზადებისთვის და ბიუჯეტის შესრულების მართვისა და კოორდინირებისთვის.

იურიდიულ საკითხთა და ადამიანის უფლებათა დაცვის კომისიის თავმჯდომარემ ლევან ჟორჟოლიანმა აღნიშნა, რომ კომისიის სხდომის დღის წესრიგით გათვალისწინებული 2024 წლის ბიუჯეტის პროექტი წარმოადგენს, დედაქალაქის 2024 წლის ბიუჯეტის დაზუსტებულ ვერსიას, რომლის წარმოდგენა შესაბამისობა საქართველოს ორგანულ კანონის „ადგილობრივი თვითმმართველობის კოდექსი“ 91-ე მუხლის პირველი, მე-4 და მე-5 პუნქტებით განსაზღვრულ პროცედურულ წესთან, რომლის მიხედვითაც,

- „მუნიციპალიტეტის მომავალი წლის ბიუჯეტის პროექტს თანდართულ მასალებთან ერთად არაუგვიანეს 15 ნოემბრისა მუნიციპალიტეტის მერი წარუდგენს მუნიციპალიტეტის საკრებულოს ამ კანონისა და საქართველოს საბიუჯეტო კოდექსის შესაბამისად.



- შენიშვნების არსებობის შემთხვევაში მუნიციპალიტეტის საკრებულო არაუგვიანეს 25 ნოემბრისა ბიუჯეტის პროექტს შენიშვნებით უბრუნებს მუნიციპალიტეტის მერს.
- ბიუჯეტის პროექტის იმავე ან შესწორებულ ვარიანტს არაუგვიანეს 10 დეკემბრისა მუნიციპალიტეტის მერი წარუდგენს მუნიციპალიტეტის საკრებულოს.

კომისიის თავმჯდომარის მითითებით, დადგენილების პროექტის წარმოდგენა, სამართლებრივ შესაბამისობაშია ასევე, „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებული, „ქალაქ თბილისის მუნიციპალიტეტის საკრებულოს რეგლამენტი“-ს 72-ე მუხლით განსაზღვრულ, მუნიციპალიტეტის მომავალი წლის ბიუჯეტის დედაქალაქის საკრებულოში წარმოდგენილ პროცედურულ წესთან და ვადებთან, რაც დადგენილია შემდეგი სახით:

- „1. მომავალი წლის ბიუჯეტის პროექტს თანდართულ მასალებთან ერთად არაუგვიანეს 15 ნოემბრისა მერი წარუდგენს საკრებულოს ადგილობრივი თვითმმართველობის კოდექსის, საქართველოს საბიუჯეტო კოდექსის და ამ რეგლამენტის შესაბამისად.
2. საკრებულო ბიუჯეტის პროექტს მისი წარდგენიდან 5 დღის ვადაში აქვეყნებს საჯარო განხილვისთვის.
3. საკრებულო საჯაროდ განიხილავს ბიუჯეტის პროექტს და ახალი საბიუჯეტო წლის დაწყებამდე, სიითი შემადგენლობის უმრავლესობით იღებს გადაწყვეტილებას ბიუჯეტის პროექტის დამტკიცების შესახებ.
4. ქ. თბილისის საკრებულოს ქონების მართვისა და საფინანსო-საბიუჯეტო კომისია ორგანიზებას უწევს ქ. თბილისის ბიუჯეტის ძირითადი მონაცემებისა და მიმართულებების განხილვასა და შეთანხმებას.
5. ქ. თბილისის ბიუჯეტის პროექტი განსახილველად ეგზავნება ყველა კომისიასა და ყველა ფრაქციას. ისინი ამზადებენ შესაბამის დასკვნებს, რომლებიც ბიუჯეტის პროექტის წარდგენიდან არაუგვიანეს 20 ნოემბრისა ეგზავნება ქონების მართვისა და საფინანსო-საბიუჯეტო კომისიას, რომელიც მათ თავის დასკვნასთან და წინადადებებთან (შენიშვნებთან) ერთად უგზავნის საკრებულოს თავმჯდომარეს არა უგვიანეს 22 ნოემბრისა.
6. შენიშვნების არსებობის შემთხვევაში საკრებულო არაუგვიანეს 25 ნოემბრისა ბიუჯეტის პროექტს შენიშვნებით უბრუნებს მერს.
7. ბიუჯეტის პროექტის იმავე ან შესწორებულ ვარიანტს არაუგვიანეს 10 დეკემბრისა მერი წარუდგენს საკრებულოს.“



გადაწყვეტის:

დადგენილების პროექტთან დაკავშირებით, პოზიცია „წინააღმდეგია“ დააფიქსირა - ფრაქციის „ერთიანი ნაციონალური მოძრაობა“ წევრმა ლილე ლიპარტელიანმა.

დადგენილების პროექტთან დაკავშირებით, ხმის მიცემისაგან „თავი შეიკავა“ ფრაქციის „ლელო - პარტნიორობა თბილისისთვის“ თავმჯდომარის მოადგილემ ცოტნე კობერიძემ.

იურიდიულ საკითხთა და ადამიანის უფლებათა დაცვის კომისიის სხდომაზე დამსწრე დანარჩენმა წევრებმა კი ეროვნულ დაუჭირეს მხარი წარმოდგენილ პროექტს და მომზადებულად მიიჩნიეს საკრებულოს უახლოეს სხდომაზე განსახილველად.

იურიდიულ საკითხთა და ადამიანის უფლებათა დაცვის კომისიის სხდომის დღის წესრიგით გათვალისწინებული საკითხის განხილვის შემდეგ, სხდომის თავმჯდომარემ სხდომა დახურულად გამოაცხადა.

სხდომის თავმჯდომარე

ლევან ჟორჯოლიანი

სხდომის მდივანი

თამთა კაკოიშვილი